



Broj: 05-45-1-1795/2023
Maglaj, 01.11.2023. godine

OPĆINSKO VIJEĆE MAGLAJ

PREDMET: Informacija o aktivnostima izrade elaborata o zdravstvenom stanju stabala u drvoredima u ulicama Aleja ljiljana i Viteška, općina Maglaj i planiranim aktivnostima u narednom periodu predviđenih elaboratom.

U proteklom periodu Služba za urbanizam, geodetske i imovinsko-pravne poslove Općine Maglaj zaprimila je više zahtjeva vlasnika objekata u ulici Viteška za hitno uklanjanje platana u Viteškoj ulici, u kojima su naveli da se svi oni koji stanuju i imaju objekte u navedenoj ulici ne osjećaju bezbjedno, jer je prilikom izvođenja radova u okviru realizacije projekta „Vanjsko uređenje lokacijskog obuhvata između ulica Sulejmana Omerovića, Aleje ljiljana i Viteške ulice“ isječeno korijenje platana. U Zahtjevu su takođe zamolili da se isto razmotri i na Općinskom vijeću, te da će se dalje žaliti ukoliko ne postupimo po njihovom Zahtjevu.

Projektom „Vanjsko uređenje lokacijskog obuhvata između ulica Sulejmana Omerovića, Aleja ljiljana i Viteške ulice“ predviđeno je uklanjanje jednog platana, koji se nalazi uz saobraćajnicu, o čemu je Općinsko vijeće već ranije odlučivalo na sjednici održanoj dana, 31.10.2019. godine i donijelo Zaključak o neusvajanju Odluke za uklanjanje platana u Viteškoj ulici, tako da je prilikom izvođenja potrebnih radova na realizaciji navedenog projekta bilo moguće izvršiti samo orezivanje tj. sječenje korijenja stabla.

Takođe je dana, 15.02.2023. godine Služba za urbanizam, geodetske i imovinsko-pravne poslove Općine Maglaj zaprimila i vijećničko pitanje sa 23. redovne sjednice Općinskog vijeća Maglaj, održane dana, 31.01.2023.godine, u kojem se navodi da se vijećniku Eldisu Kusuru obratila grupa građana iz Viteške ulice, koji strahuju za svoju bezbjednost, sa molbom da nama prenese njihovu brigu o stanju platana i da razmotrimo pod hitno uklanjanje platana u ulici Viteška kojima je orezano tj. isječeno korijenje prilikom izvođenja radova u okviru realizacije projekta „Vanjsko uređenje lokacijskog obuhvata između ulica Sulejmana Omerovića, Aleje ljiljana i Viteške ulice“.

Shodno svemu navedenom dana, 17.03.2023. godine Služba za urbanizam, geodetske i imovinsko-pravne poslove uputila je prema Službi Općinskog načelnika i Općinskog vijeća Zahtjev za razmatranjem zahtjeva građana o uklanjanju 2 platana u Viteškoj ulici, u kome je traženo da se Kolegij Općinskog vijeća izjasni da li Općinsko vijeće treba razmatrati zahtjeve građana o uklanjanju 2 platana u Viteškoj ulici jer je osim ranije navedenog Zahtjeva Služba zaprimila još zahtjeva i prijava sličnog sadržaja.

Kolegij Općinskog vijeća Maglaj, na sastanku koji je održan dana, 20.03.2023. godine, izjasnio se da Općinsko vijeće ne treba da razmatra zahtjeve građana već je Zaključkom, kojeg je Služba za urbanizam, geodetske i imovinsko-pravne poslove općine Maglaj zaprimila dana, 24.03.2023. godine, zaključeno da je potrebno da se provede postupak javne nabavke za izradu elaborata o stanju platana na području općine Maglaj i tek nakon izrade elaborata Služba za urbanizam, geodetske i imovinsko-pravne poslove treba da postupi po istom.

Uzimajući u obzir sve već ranije navedeno dana, 12.04.2023. godine objavljen je postupak javne nabavke „Izrada elaborata o zdravstvenom stanju stabala u drvodredima u ulicama Aleja ljiljana i Viteška, općina Maglaj“.

Nakon provedene procedure javne nabavke odabran je najpovoljniji ponuđač i to firma „Šuma plan“ d.o.o. Banja Luka.

Općina je sa izabranom firmom sklopila ugovor na osnovu kojeg su stručna lica izvršila ispitivanje svih stabala u ulicama Aleja ljiljana i Viteška, njih ukupno 79, sačinili su kartoteku stabala, pri čemu je svako stablo dobilo svoj redni broj i izmjerena je visina, prečnik, starost, određena vrsta stabla, tačna lokacija, stanje u zoni korijena, debla, krošnje, opće stanje stabla, oštećenje korijena, oštećenje debla, kalusiranje rana, prisutnost štetnih organizama i truleži, uticaj na okolne objekte, kategorija vitaliteta stabla i dr.

U elaboratu su takođe predložene i mjere sanacije i njege za svako stablo pojedinačno.

Nakon provedenog ispitivanja svih 79 stabala generalna ocjena trenutnog zdravstvenog stanja stabala je zadovoljavajuća i preporučeno je da se na 75 stabala izvrši sanacija tj. redukcija krošnji, sanacija oštećenja korijenovog sistema i proširivanje životnog prostora kao i sanacija šupljina u stablima (stabla odlične i dobre vitalnosti), 3 stabla potrebno je potpuno ukloniti jer su fiziološki oslabljena ili su u fazi odumiranja i ne mogu biti izliječena kroz mjere sanacije (stabla loše i vrlo loše vitalnosti) a samo 1 stablo je ocijenjeno kao potpuno zdravo, bez potrebe za intervencijom.

Realizaciju sklopljenog Ugovora između firme „Šuma plan“ d.o.o. Banja Luka i Općine Maglaj pratila su stručna lica iz oblasti šumarstva: prof.dr. Osman Mujezinović, ekspert iz oblasti zaštite šuma i urbanog zelenila i prof.dr. Sead Ivojević, ekspert iz oblasti uzgajanja šuma i urbanog zelenila, koje je angažovala Općina Maglaj da vrše stručni nadzor nad ispitivanjem i analizom stanja stabala, nadzor nad metodologijom i kvalitetom izrade elaborata.

Dana, 30.08.2023. godine u 12,00 sati u sali Općinskog vijeća Maglaj održana je javna prezentacija aktivnosti realizovanih u postupku izrade elaborata, otvorena za zainteresovane građane, na kojoj su izlagali: stručno lice iz firme „Šuma plan“ d.o.o. Banja Luka, prof.dr. Osman Mujezinović i prof.dr. Sead Ivojević, uz prisustvo medija.

Dana, 26.10.2023. godine zaprimili smo konačnu verziju elaborata naziva „Analiza zdravstvenog stanja stabala u drvodredima u ulicama Aleja ljiljana i Viteška, općina Maglaj“, čime su se stekli uslovi za realizaciju aktivnosti na terenu, predviđenih elaboratom.

Potrebno je što prije da započnemo sa realizacijom aktivnosti predviđenih elaboratom zbog nadolazećeg zimskog perioda.

Planirano je što prije ukloniti 3 stabla platana da se izbjegnu eventualne štete po građane i objekte zbog čestih vjetrova i težine snijega u zimskom periodu a zatim je planirano u periodu stagnacije vegetacije započeti sa sanacijom ostalih stabala, uz adekvatnu njegu stabala, naravno sve u skladu sa finansijskim sredstvima predviđenim u Budžetu/Proračunu Općine Maglaj za tekuću i narednu godinu.

Obradivač-Jasmina Alić, ing.grad.

Kontrolor-Nedžad Čatić, dipl.ing.geodezije

DOSTAVLJENO:

1. Naslovu
2. a/a

